

Siunnersuummut nassuiaatit

Nassuiaatit nalinginnaasut**1. Aallaqqaasiut**

Allanngortinneqartussatut siunnersuutigineqartumi, Aatsitassanut Ikummatissanullu Aqutsisoqarfik aamma Aatsitassanik Suliassa qarfinnut Avatangiisinut Aqutsisoqarfik pillugit aatsitassanut ikummatissanullu inatsimmi aalajangersakkat atorunnaarsinneqarput. Aalajangersakkat taakkua atorunnaarsinneqarnerannut siunertaavoq, aatsitassanut suliassa qarfiup allaffissornikkut aqunneqarnerata eqaannerulersinnissaa. Peqatigisaanik aatsitassanut tunngasunik suliagarneq pillugu Inatsisartut inatsisaanni aalajangersakkat taamaaqatai atorunnaarsinneqassasut siunnersuutigineqarpoq. Oqaatigineqassaaq, Aatsitassanut Ikummatissanullu Aqutsisoqarfiup suliassaasa akisussaaffiisalu allanngortinnissaannut, 2025-imut aningaasanut inatsimmi oqaasertaliussani, tunngavissaqareermat.

Aqutsisoqarfiit atuutsiinnarnissaannut imaluunniit taamaaqataani siunertalinnik immikkoortortanik nutaanik pilersitsinissamut, siunnersuut akornusiinngilaq. Aqutsisoqarfiit inatsimmi maleruagassiivigineqarunnaaginnassapput. Aqutsisoqarfiit atuutsiinnarnerat imaluunniit taamaaqataannik immikkoortortanik nutaanik pilersitsineq, nalunaarummik, immikkoortortat taakkua suliassaannik akisussaaffiinillu erseqqinnerusunik aalajangersaaviusunik, atuutsitsilernikkut pisinnaassaaq. Aqutsisoqarfiit imaluunniit immikkoortortat taamaaqatai aatsitassanut suliassa qarfiup allaffissornikkut aqunneqarnerata ilaanik suliqaassanersut, Inatsisartut Naalakkersuisullu pillugit Inatsisartut inatsisaanni § 23, imm. 1 naapertorlugu Naalakkersuisut Siulittaasuannit aalajangerneqartussaavoq.

Pinngortitamut avatangiisinullu suliassa qarfimmi aalajangiinerit naammagittaalliutigineqarnissaannut periarfissap atuutsiinnarnissaa kissaatigineqarmat, siunnersuutigineqarpoq pinngortitamut avatangiisinullu suliassa qarfik pillugu aalajangiinerit naammagittaalliutigineqarsinnaanerat pillugu aalajangersakkanik aalajangersaanissamut Naalakkersuisut pisussaaffilerneqassasut.

Kiisalu oqartussat ataatsimoortumik suliarinnettarnarat pillugu tunngaviusoq (tunngaviusoq one door) atuutsiinnarneqarpoq. Oqartussamut inatsimmi toqqarneqartumut taarsiullugu siunnersuutigineqarpoq immikkoortortamik, pisinnaatitsisummik pigisaqartunut allanullu Inatsisartut inatsisaanni pineqartunut ilaasunut tunngatillugu aatsitassanut suliassa qarfik pillugu allaffissornikkut attaveqatigiinnermik isumaginnittussamik, Naalakkersuisut toqqaassasut.

2. Siunnersuummi immikkoortut pingaarnerit

Siunnersuut malillugu Aatsitassanut Ikummatissanullu Aqutsisoqarfik aamma Aatsitassanik Suliassaqaarfinnut Avatangiisinut Aqutsisoqarfik pillugit aatsitassanut ikummatissanullu inatsimmi aalajangersakkat atorunnaarsinneqarput. Aammalu pinngortitaq avatangiisillu pillugit aalajangiinerit naammagittaalliuutigineqarnissaannut periarfissaqaannarnissaa qulakkeerneqarpoq.

Aatsitassanut suliassaqaarfiup allaffissornikkut aqunneqarnerata aqqissuussaanera ullumikkut inatsimmi maleruagassiivigineqarpoq. Taamaalilluni suliassat aalajangersimasut Aatsitassanut Ikummatissanullu Aqutsisoqarfimmit aamma Aatsitassanik Suliassaqaarfinnut Avatangiisinut Aqutsisoqarfimmit isumagineqassasut, aatsitassanut ikummatissanullu inatsit aamma aatsitassanut tunngasunik suliaqarneq pillugu Inatsisartut inatsisaat malillugit piumasaqaataavoq.

Aqutsisoqarfiit marluk taakku pillugit aalajangersakkat 2012-imi allanngortitsinermut inatsimmi (Inatsisartut inatsisaat nr. 26, 18. december 2012-imeersoq), aatsitassanut ikummatissanullu inatsimmi ilanngunneqarput, aammalu aatsitassanut suliassaqaarfimmi avatangiisinut tunngasut pillugit suliassanut tunngasut ulluinnarni aqunneqarnerisa suliassanillu suliarinninnerup avissaarsimatinnissaat siunertaalluni.

Inatsisartut inatsisaat 2012-imeersoq malillugu ingerlatassanut inuiaqatigiinnut imaluunniit avatangiisinut annertuunik sunniuteqarsinnaasunut Naalakkersuisut akuersissuteqartartussaapput, aammalu ingerlatassat akuliuffiunnginnerusussat pillugit aqutsisoqarfiit aalajangiisinnaallutik. Tunngaviusoq taanna aalajangiinerit aqutsisoqarfimmit aalajangiiffigineqartut Naalakkersuisunut naammagittaalliuutiginissaannut periarfissamit taparserneqarpoq.

Naalakkersuisut siunnerfigaat aatsitassanut suliassaqaarfimmi allaffissornikkut nammagassat killilersimaarneqarnissaat aammalu suliassanik suliarinnittarnerup sivikillisinneqarnissaa. Aammalu paasinarsisimavoq Naalakkersuisoqarfiup Aqutsisoqarfiullu akornanni suliassat agguarneqarlutik allaffissornerup aqqissuunneqarnera, pisuni arlalitsigut suliassat pisariaqanngitsumik oqimaatsumik ingerlanneqarnerannik kinguneqartartoq. Taamaattumik suliassanik suliarinninnerup immikkoortui tamaasa immikkoortortami ataasiinnarmi inissisimatinnissaat naapertuussorineqarpoq. Taamaattoq avatangiisinut tunngasut pillugit suliassanut tunngatillugu allaffissorneq suliassanillu suliarinninneq, akuersissutinik tunniussineq akuersissuteqarnerillu pillugit allaffissornermit suliassanillu suliarinninnermit, suli avissaarsimatinneqassallutik. Aammattaaq pinngortitamut avatangiisinullu tunngasut pillugit nalilersuinerit aalajangiinerillu, ilisimatuussutsimut sullissivinnit arlaannaannulluunniit attuumassuteqanngitsunit ataatsimit arlalinniilluunniit nalilersuinerit aalajangiinissamullu missingiutunik aallaaveqartinneqartarnissaat pillugu tunngaviusoq aalajangiuisimaannarneqarpoq.

Aqutsisoqarfiit atorunnaarsinneqassappata aammalu aalajangiisinnaatitaaneq naalakkersuisoqarfimmut nuutinneqassappat, Naalakkersuisunut allaffissornikkut naammagittaalliorsinnaaneq annaaneqartussaavoq. Aalajangiinernut maannamut akuersissutit aamma akuersissuteqarnerit pillugit Aatsitassanut Ikummatissanullu Aqutsisoqarfimmit aalajangiiffigineqartartunut tunngatillugu, naammagittaalliorsinnaanerup taassuma peerneqarnera ajornartorsiutitaqarsorineqanngilaq, tassami misilittakkat takutimmassuk pingaartumik qinnuteqartut aamma akuersissutit inatsimmi pineqartunut ilaasut malillugit pisinnaatitsissummik pigisaqartut naammagittaalliorsinnaaneq taanna atortaraat, taakkualu aalajangiinerup suliareqarnerata aallarteqqinnissaa pillugu Naalakkersuisut qinnuiginissaannut sulii periarfissaqartussaapput.

Pinngortitamut avatangiisinullu tunngasunut tunngatillugu allaanerulaartumik pisoqartarpoq, tassami qinnuteqartut aamma pisinnaatitsissummik pigisaqartut saniatigut naammagittaalliorsinnaatitaasut allat aalajangiinerup naammagittaalliuutiginissaa soqutigisinnaammassuk. Taamaattumik siunnersuutigineqarpoq aalajangersakkanik, aalajangiinerit pinngortitamut avatangiisinullu tunngasut pillugit Inatsisartut inatsisaanni pineqartunut ilaasut naammagittaalliuutiginissaannut periarfissaqarnermik qulakkeerisunik, aalajangersaanissamut Naalakkersuisut pisussaaffilerneqassasut.

3. Pisortanut aningaasaqarnikkut allaffissornikkullu sunniutaasussat

Siunnersuut aatsitassanut suliaasaqarfimmi allaffissornermik pisariinnerulersitsisinnaassasoq naatsorsuutigineqarpoq, taamaaliormi aningaasaqarnikkut sipaaruteqartoqarsinnaalluni. Sipaarutaasinnaasut annertussusaat maannakkorpiaq erseqqinnerusumik nalilerneqarsinnaanngilaq, tassami tamatumunnga siunissami allaffissornerup qanoq aqqissuussaannissaa toqqarneqassanersoq apeqqutaasussaammat. Taamaattoq akuersissutit ataasiakkaat pillugit allaffissornerup ilarujussua oqartussanut utertitsisarneq atorlugu aningaasalersorneqarmat, sipaarutaasussat killilimmik annertussuseqartussaapput.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut aningaasaqarnikkut allaffissornikkullu sunniuteqassanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanngilaq.

6. Innuttaasunut sunniutaasussat

Siunnersuut innuttaasunut aningaasaqarnikkut sunniuteqassanngilaq.

7. Sunniutaasussat annertuut allat

Siunnersuut allanik annertuunik sunniuteqassanngilaq.

8. Oqartussanut kattuffinnullu ilaalu ilanngullugit tusarniaaneq

Siunnersuut piffissami 2. juli 2025 - 30. juli 2025 Naalakkersuisut.gl-imi tusarniaanermut nittartakkami tamanut ammasumik tusarniaassutigineqarpoq.

Siunnersuut piffissami tassani oqartussanut, kattuffinnut ilaalu ilanngullugit makkunani tusarniaassutigineqarpoq:

Asiaq, Avannaata Kommunia, DCE, GEUS, Nunatta Eqqartuussivia, Sulisitsisut, Pinngortitaleriffik, Kalaallit Nunaanni Politiit, ICC, Kommune Kujalleq, Kommune Qeqertalik, Kommuneqarfik Sermersooq, Nunatta Nakorsaaneqarfia, Nunatta Katersugaasivia Allagaateqarfialu, Nuna Advokaatit, Qeqqata Kommunia, SIK, Tusass, Transparency International Greenland, WWF, Urani naamik aamma aatsitassanut tunngasunik suliaqarneq pillugu Inatsisartut inatsisaat aamma najukkani aatsitassanut tunngasunik suliaqarnerit pillugit Inatsisartut inatsisaat malillugit pisinnaatitsissummik pigisaqartut tamarmik.

Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiup tusarniaanermut akissuteqaatit oqartussanit, kattuffinnit ilaalu ilanngullugit makkunanngaaneersut tiguai:

GreenRoc Strategic Materials Plc, Kalaallit Nunaanni Politiit, Kommuneqarfik Sermersooq, Nunatta Nakorsaaneqarfia, Qeqqata Kommunia, Resource 500, SIK aamma Transparency International Greenland.

Allatigut ilanngussaq 2 innersuussutigineqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut.

Allannguut aatsitassanut ikummatissanullu inatsimmi § 3-mut tunngassuteqarpoq.

Ilaatigut aalajangerneqarpoq Naalakkersuisut aatsitassanut suliaasaqarfimmi allaffissornikkut oqartussaasut. Inatsimmi aatsitassanut oqartussaq erseqqinnerusumik nassuiarneqarunnaartoq, tamatumani erseqqissarneqassaaq. Taamaalilluni Naalakkersuisuni immikkoortortat sorliit aatsitassanut suliaasaqarfimmi allaffissorneq isumagisarissaneraat, Naalakkersuisut Siulittaasuat aalajangiisussaavoq, takuuk Inatsisartut Naalakkersuisullu pillugit Inatsisartut inatsisaanni § 23, imm. 1.

Ilaatigullu aatsitassanut ikummatissanullu inatsimmi § 3, imm. 3-mi, ataatsimoortumik oqartussat suliarinnittarnerat pillugu tunngaviusumik (tunngaviusoq one door) aalajangersaaviusumi, immikkoortoq nutaq ilanngunneqarpoq. Tamanna maannamut Inatsisartut inatsisaanni § 3 a, imm. 5-imi allassimavoq. Qinnuteqartut aamma pisinnaatissisummik pigisaqartut immikkoortortamik ataasiinnarmik attaveqaqateqartarnissaat qulakkeerniarlugu, tunngaviusoq atuutsiinnarneqarpoq. Tamanna suliffissuarnut toqqissimalersitsivoq aammalu sunniuteqarluartumik assigiissaartumillu suliaasanik suliarinnittarnissaq qulakkeerneqarluni.

Aalajangersakkami imm. 4 aatsitassanut tunngasunik suliaqarneq pillugu Inatsisartut inatsisaannut naapertuuttunngortinneqarpoq. Aalajangersarneqarpoq tamanna ersarissumik allassimatillugu, akuliutsitsiviusumik oqartussat suliarinnittarneranni ilaatitsinngitsoqarsinnaasoq.

Nr. 2-mut.

Allannguut aatsitassanut ikummatissanullu inatsimmi § 3 a-mut tunngassuteqarpoq.

Erseqqissarneqarpoq naalakkersuinikkut akuliutinnginnissamut tunngaviusoq, imatut paasillugu suliaasaqarfimmut tunngatillugu oqartussap suliarinninnera suliaasanik suliarinninnernut allanut attuumassuteqanngitsumik ingerlanneqassasoq, pinngortitamut avatangiisinullu tunngasut suliarineqarnerannut tunngatillugu aalajangiisumaannarneqartoq.

Ilaatigut pinngortitamut avatangiisinullu tunngasut pillugit ulluinnarni suliaasanik suliarinninneq, siunnersuut malillugu allanut suliaasanik suliarinninnermut attuumassuteqanngitsumik ingerlanneqartussanngorlugu. Tassa imaappoq, pinngortitamut avatangiisinullu tunngasut pillugit suliaasanik suliarinninneq immikkoortortami imaluunniit immikkoortortani aatsitassanut

suliassa qarfimmi allaffissornikkut aqutsineq pillugu suliassanik suliarinnittartuni ingerlanneqassanngitsoq.

Ilaatigullu pinngortitamut avatangiisinullu tunngasut pillugit nalilersuinerit aalajangiinerillu, ilisimatuussutsikkut sullissivinnit arlaannaannulluunniit attuumassuteqanngitsunit ataatsimit arlalinniilluunniit nalilersuinerit aamma aalajangiinissamut missingiutinik aallaaveqartinneqartanera ingerlaannartussanngorlugu.

Tamatamani avatangiisinut oqartussap suliassatigut arlaannaannulluunniit attuumassuteqannginnissaa, inatsisitigut isumannaatsuutitsiinnarnissamut, paasiuminartuutitsiinnarnissamut aammalu ingerlatsiviup tamanit tatigineqaannarnissaanut aalajangiisuulluinnartoq, qulakkeerneqassaaq.

Nr. 3-mut.

Allannguut aatsitassanut ikummatissanullu inatsimmi § 3 b-imut tunngassuteqarpoq.

Aalajangersagaq naammagittaalliorsinnaanermut tunngassuteqarpoq.

Aqutsisoqarfiit atorunnaarsinneqarpata aammalu aalajangiisinnaatitaaneq naalakkersuisoqarfiimmut nuutinneqarpat, Naalakkersuisunut allaffissornikkut naammagittaalliorsinnaaneq annaaneqartussaavoq. Tamatumani Naalakkersuisut nalunaarummi immikkoortortamut arlaannaannulluunniit attuumassuteqanngitsumut suliassani taakkunani aalajangiisinnaatitaaffiliinissaat, pisariaqartussaavoq. Tamanna immikkoortortap pioreersup piginnaatitaaffilerneratigut imaluunniit immikkoortortamik nutaamik pilersitsinikkut, pisinnaavoq.

Tamat siunnersuutip matuma atuutilinnginnerani pisartut assigalugit pinngortitamut avatangiisinullu tunngasut pillugit aalajangiinerit naammagittaalliuutiginnissaanut periarfissaqarnissaat, naammagittaalliorsinnaanermi qulakkeerneqassaaq.

Nr. 4-mut.

Siunnersuutigineqarpoq Naalakkersuisut aamma aqutsisoqarfiit marluk taakkua akornanni piginnaatitaanerit agguagaanerit pillugu aatsitassanut ikummatissanullu inatsimmi § 3 c-mi aalajangersakkat atorunnaarsinneqassasut, tassami taakkua pisariaaruttussaammata.

§ 2-mut

Aalajangersagaq siunnersuutip piffissami atuutilerfissaanut tunngassuteqarpoq.

Siunnersuutigineqarpoq siunnersuut 1. juli 2026 atuutilissasoq.

Siunnersuut inatsimmut atuuttumut sanilliullugu	
Oqaasertalerneqarnera atuuttoq	Siunnersuut
	§ 1 Aatsitassat pillugit ingerlatallu tamatumunnga pingaarutillit pillugit inatsisartut inatsisaanni nr. 7, 7. december 2009-meersumi (aatsitassanut ikummatissanullu inatsit), takuuk Namminersorlutik Oqartussat inatsimmut nalunaarutaat nr. 8, 27. februar 2020-meersoq, Inatsisartut inatsisaanni nr. 27, 13. juni 2023-meersumi aamma Inatsisartut inatsisaanni nr. 35, 4. juni 2024-meersumi allanngortinneqartoq, makku allanngortinneqarput:
§ 3. Kalaallit Nunaanni aatsitassarsiornermik sammisaqarnermi Aatsitassanut Oqartussaarfik allaffissornikkut oqartussaavoq, tamakkununnga ilaallutik pissutsini aatsitassanik ingerlataqarnernut tunngasut, aatsitassarsiornermi nunap iluanik toqqorsivittut atuineri imaluunniit aatsitassanik ingerlataqarnerni siunertanut, tamakkununngalu attuumassuteqartuni nukissiornermik ingerlataqarnermut, ingerlatanut atatillugu ruujorikkut aqputinik ingerlatsineri aamma ingerlatani tamakkununnga attuumassuteqartuni. <i>Imm. 2.</i> Pissutsit suulluunniit aatsitassarsiornermut tunngassuteqartut, aatsitassanik ingerlatsinerit, aatsitassarsiornermik ingerlatsineri nunap iluanik toqqorsimatitsineri atuineq, ingerlatanut atatillugu nukissiornermik ingerlatat, ingerlatanut atatillugu ruujorikkut aqputinik ingerlatat, ingerlatanullu	1. § 3 imatut oqaasertalerneqarpoq: " § 3. Naalakkersuisut aatsitassanut suliassaarfimmi allaffissornikkut oqartussaapput, ilanngullugit pissutsit aatsitassanut, aatsitassarsiorluni ingerlatassanut, nunap iluata toqqorsivittut imaluunniit aatsitassarsiorluni ingerlatassat pillugit siunertanut atorneqarneranut, nukissiuuteqarnermi ingerlataqarnernut taakkununnga atasunut, ruujorilersuilluni ingerlataqarnernut taakkununnga atasunut aamma ingerlatassanut allanut taakkununnga atasunut tunngassutillit tamarmik. <i>Imm. 2.</i> Pissutsit aatsitassanut, aatsitassarsiorluni ingerlatassanut, nunap iluata toqqorsivittut imaluunniit aatsitassarsiorluni ingerlatassat pillugit siunertanut atorneqarneranut, nukissiuuteqarnermi ingerlataqarnernut taakkununnga atasunut, ruujorilersuilluni

attuumassuteqartut allat oqartussaasutut akuleriissitsilluni ataatsimoortillugit suliarineqarnissaat Naalakkersuisut isumagissavaat. <i>Imm. 3.</i> Oqartussatut suliarinninneq Inatsisartut inatsisaat manna kiisalu Inatsisartut inatsisaat malillugu malittarisassatut aalajangersakkat malillugit isumagineqartassapput. Taamattaq oqartussatut suliarinninneq aatsitassanut, aatsitassanik ingerlatsinermut, nunap iluani toqqorsimatitsinermut atuinnermut imaluunniit aatsitassanik sammisaqarnermut atatillugu siunertanut allanut, sulianut atatillugu nukissiornermik ingerlatsinernut, sulianut atatillugu ruujorikkut aqputinik ingerlatsinernut, ingerlatanullu allanut pingaaruteqartut inatsisit malittarisassallu allat tunngavigalugit isumagineqartassaaq, inatsisit imaluunniit malittarisassat allat malillugit oqartussat allat oqartussatut suliarinnittussaasut aalajangersaasimanngippata. Aatsitassanut Oqartussaqaarfik inatsisit allat malittarisassallu allat malillugit allaffissornikkut piginnaasatigullu oqartussaavoq, aatsitassat, aatsitassanik ingerlataqarneq, nunap iluanik toqqorsimatitsinermut atuneq imaluunniit aatsitassarsiornermik ingerlatsinernut siunertanut tunngasunut, tamatumunngalu tunngasuni nukissiornermik ingerlatat, tamakkununnga attuumassuteqartuni ruujorikkut aqputitigut sammisanut kiisalu tamakkununnga attuumassuteqartunik ingerlatsinerit allat attuumassuteqartut eqqarsaatigalugit.	ingerlataqarnernut taakkununnga atasunut aamma ingerlatassanut allanut taakkununnga atasunut tunngassutillit tamarmik ataatsimoortumik oqartussani suliarinninnermi akulusimatinneqartutut isumagineqarnissaat, Naalakkersuisut isumagissavaat. <i>Imm. 3.</i> Oqartussamik, pisinnaatitsissummik pigisaqartunut allanullu suleqatigisartakkanut Inatsisartut inatsisaanni matumani pineqartunut ilaasunut tunngatillugu aatsitassanut suliaasaqaarfik pillugu allaffissornikkut attaveqaqatigiinnermik isumaginnittussamik, Naalakkersuisut toqqaassapput. <i>Imm. 4.</i> Imm. 2 malillugu oqartussat suliarinninneranni ilaatinneqarput, ingerlatassanut pissutsinullu Inatsisartut inatsisaanni pineqartunut ilaasunut tunngatillugu, inatsisit maleruagassallu allat. Taamaattoq inatsisit imaluunniit maleruagassat allat malillugit oqartussat allat oqartussatut suliarinnittussaasimappata, tamanna atuutissanngilaq."
§ 3 a. Aatsitassanut oqartussaasut, tak. § 3, imm. 1, tassaapput Aatsitassanut Aqutsisoqaarfik, tak. imm. 2, aamma Aatsitassanik Suliassaqaarfinnut Avatangiisinut Aqutsisoqaarfik, tak. imm. 3.	2. § 3 a imatut oqaasertalerneqarpoq: ” § 3 a. Pinngortitamut avatangiisinullu tunngasut pillugit suliaassanik suliarinninnerup, Inatsisartut inatsisaat malillugu akuersissutit

<i>Imm. 2.</i> Aatsitassanut Aqutsisoqarfik aatsitassanik suliaasaqarfinnut nalinginnaasumik allaffissornikkut oqartussaavoq, avatangiisinut pissutsinut tunngasut ilanngunnagit, tak. imm. 3. <i>Imm. 3.</i> Aatsitassanik Suliassaqaqarfinnut Avatangiisinut Aqutsisoqarfik (Avatangiisinut Aqutsisoqarfik) aatsitassanik suliaasaqarfinnut tunngasuni avatangiisinut tunngasuni allaffissornikkut oqartussaavoq, tamakkununga ilaallutik avatangiisinik allanngutsaaliuineq, pinngortitamik allanngutsaaliuineq, avatangiisinut akisussaasuuneq aamma avatangiisinik nalilersuisarneq. <i>Imm. 4.</i> Aatsitassanut oqartussaasup avatangiisinut pissutsinut tunngasuni nalilersuisarnerni aalajangiisarnernilu avatangiisinut sullissivimmit ataatsimit arlalinnilluunniit ilisimatuussutsikkut arlaannullu attuumassuteqaanngitsup aalajangiinissamut nalilersuinerit missingiutillu tunngavigisarpai. <i>Imm. 5.</i> Aatsitassanut suliaasaqarfinnut tunngasuni ingerlatsineq oqartussatullu suliarinninneq pisinnaatitsissummik pigisaqartup allallu oqartussamik ataatsimik attaveqaqatigiittarneq tunngavigalugu aaqqissuunneqarpoq, oqartussamillu taassumanga nalunaarutit, allakkiat aalajangikkallu tamaasa il.il. tigusarlugit. Aatsitassanut Aqutsisoqarfiup pisinnaatitsissummik pigisaqartup allallu Inatsisartut inatsisaanni matumani attuumassuteqartut allat tungaannut aatsitassanut suliaasaqarfiit pillugit allaffissornikkut attaveqaqatigiittarneq isumagisarpai. <i>Imm. 6.</i> Aatsitassanut Aqutsisoqarfik ingerlatsinermi oqartussatut ataqatigiissaarisuuvoq, Avatangiisinullu Aqutsisoqarfimmit oqaaseqaatit	akuersissuteqarnerillu pillugit suliaassanik suliarinninnermut allamut attuumassuteqaanngitsumik, ingerlanneqarnissaa Naalakkersuisut isumagissavaat. <i>Imm. 2.</i> Pinngortitamut avatangiisinullu tunngasut pillugit nalilersuinerit aalajangiinerillu, ilisimatuussutsikkut sullissivimmit arlaannaannulluunniit attuumassuteqaanngitsumut ataatsimit arlalinnilluunniit aalajangiinissanut nalilersuinernik missingiutinillu, aallaaveqartinneqassapput. ” .
---	--

aalajangikkallu pisariaqartut pissarsiarisarlugit. Suliassat sammineqarneri aalajangikkallu pillugit Avatangiisinut Aqutsisoqarfik aamma Aatsitassanut Aqutsisoqarfik ingerlaavartumik imminnut ilisimatitseqatigiittuartassapput.	
§ 3 b. Aatsitassanut Aqutsisoqarfimmi imaluunniit Avatangiisinut Aqutsisoqarfimmi aalajangiussamik maalaaruteqarneq Naalakkersuisunut maalaarutaasinnaavoq. Maalaarsinnaatitaasut tassaapput: 1) Suliami pineqartumi akuusoq. 2) Kikkut tamarmik, suliap pineqartup kinguneqarnissaanik pingaarutilimmik inuttut namminertut soqutigisaqartutut naatsorsuutigineqarsinnaasut. 3) Peqatigiiffiit aamma kattuffiit, malittarisassiatik naapertorlugit sukisaarsarnikkut, avatangiisitigut aamma pinngortitakkut soqutigisarsanik imaluunniit inuiaqatigiinnut tunngasunik pingaarutilinnik soqutigisarsanik isumaginninnissamik siunertaqartut. <i>Imm. 2.</i> Maalaaruteqarnissamut piffissarititaq sapaatip akunneri 6-inik sivilisussuseqarpoq. Naammagittaalliornissamut killissaliussaq aalajangiineq illuatungiusumut nalunaarutigineqarsimappat ullormit nalunaaruteqarfiusumit, aamma aalajangiineq tamanut ammasumik nalunaarutigineqarsimappat ullormit tamanut saqqummiunneqarfigisaanit naatsorsorneqassaaq. Naammagittaalliuuteqarnissamut killissaliussaq arfininngornermi imaluunniit nalliuttumi naasimappat, naammagittaalliuuteqarnissamut piffissaliussaq ulluinnarmut tulluuttumut sivitsorneqassaaq. <i>Imm. 3.</i> Naammagittaalliuutaasoq oqartussaasumut aalajangiisimasumut allaganngorlugu tunniunneqassaaq.	3. § 3 b imatut oqaasertalerneqarpoq: ” § 3 b. Pinngortitamut avatangiisinullu tunngasut pillugit aalajangiinerit naammagittaalliuutigineqarsinnaanerat pillugu aalajangersakkanik Naalakkersuisut aalajangersaassapput.”

Naammagittaalliuteqarnissamut piffissaliussap naanerata kingorna piaarnerpaamik oqartussaasup naammagittaalliutaasoq aammalu oqartussaasup aalajangiinera naammagittaalliutaasumullu nassuiaatai Naalakkersuisunut nassiutissavai. <i>Imm. 4.</i> Akuersissutip, akuersissuteqarnerup imaluunniit immikkut ittumik akuersissuteqarnerup naammagittaalliutigineqarneri, Naalakkersuisut allamik aalajangiisimanngippata, kinguartitsinissamik sunniuteqassanngillat. <i>Imm. 5.</i> Naammagittaalliuteqarnissamut piffissaliussap iluani, akuersissutit, akuersissuteqarnerit aamma immikkut ittumik akuersinerit aalajangersimasut naammagittaalliuteqarnissamut piffissaliussap naannginnerani atorneqassannginnissaat pillugu aalajangersakkanik Naalakkersuisut aalajangersaasinnaapput. <i>Imm. 6.</i> Naalakkersuisut allamik aalajangiisimanngippata, peqqusissuteqarnerup imaluunniit inerteqquteqarnerup naammagittaalliutigineqarnera kinguartitsinissamik sunniuteqassanngilaq.	
§ 3 c. Pissutsit §§ 3-3 b-mi taaneqartut pillugit Naalakkersuisut maleruagassanik erseqqinnerusunik aalajangersaasinnaapput, tamakkununga ilaallutik Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangerneqarsimasut ilutsit ilaat pillugit maalaarutit aamma maalaarsinnaanermut killilersuutit pillugit, takukkilli imm. 2-5. <i>Imm. 2.</i> Aatsitassanik misissuinissamut piiaanissamullu akuersissutit pillugit tunniussinerit, allannguutit pingaaruteqartut, tunisinerit, akuersissummillu utertitsineq	4. § 3 c atorunnaarsinneqarpoq.

aamma utertitsinissamut akuersinerit pillugit Naalakkersuisut aalajangiisartuupput. <i>Imm. 3.</i> Pissutsit inuiaqatigiinnut imaluunniit avatangiisinut pingaarutilimmik sunniuteqarsinnaasut pillugit Naalakkersuisunit aalajangerneqartarput, aalajangikkat aalajangersimasut Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangiiffigineqartussanngorlugit Naalakkersuisut maleruagassanik aalajangiisimanngippata. <i>Imm. 4.</i> Aatsitassanut Aqutsisoqarfiup aamma Avatangiisinut Aqutsisoqarfiup suliassai pisinnaatitaanerilu pillugit maleruagassanik erseqqinnerusunik Naalakkersuisut aalajangiisinnaapput, tamakkununga ilaallutik taakku aalajangiisinnaanermut pisinnaatitaaffii, takukkilli imm. 2, 3 aamma 5. <i>Imm. 5.</i> Misissueqqaarnissamut akuersissutit, tak. kapitali 4, imaluunniit annikitsumik aatsitassarsiornissamut aatsitassanik misissuinissamut imaluunniit piiaanissamut akuersissutit pillugit aalajangikkat, tak. kapitali 8, Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangerneqassapput, aalajangigassat inuiaqatigiinnut imaluunniit avatangiisinut pingaarutilimmik sunniuteqartussaannngippata, tak. imm. 3.	
	§ 2 Inatsisartut inatsisaat manna ulloq 1. juli 2026 atuutilerpoq.

Tusarniaaneq pillugu allakkiaq

Siunnersuut piffissami 2. juli 2025 - 30. juli 2025 Naalakkersuisut.gl-imi tusarniaanermut nittartakkami tamanut ammasumik tusarniaassutigineqarpoq

Siunnersuut piffissami tassani oqartussanut, kattuffinnut ilaalu ilanngullugit makkunani tusarniaassutigineqarpoq :

Asiaq, Avannaata Kommunia, DCE, GEUS, Nunatta Eqqartuussivia, Sulisitsisut, Pinngortitaleriffik, Kalaallit Nunaanni Politiit, ICC, Kommune Kujalleq, Kommune Qeqertalik, Kommuneqarfik Sermersooq, Nunatta Nakorsaaneqarfia, Nunatta Katersugaasivia Allagaateqarfialu, Nuna Advokaatit, Qeqqata Kommunia, SIK, Tusass, Transparency International Greenland, WWF, Urani naamik aamma aatsitassanut tunngasunik suliaqarneq pillugu Inatsisartut inatsisaat aamma najukkani aatsitassanut tunngasunik suliaqarnerit pillugit Inatsisartut inatsisaat malillugit pisinnaatitsisummik pigisaqartut tamarmik.

Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiup oqartussanit, kattuffinnit ilaalu ilanngullugit makkunaannga tusarniaanermut akissuteqaat tiguaat:

GreenRoc Strategic Materials Plc, Sulisitsisut, Kalaallit Nunaanni Politiit, Kommuneqarfik Sermersooq, Nunatta Nakorsaaneqarfia, Qeqqata Kommunia, Resource 500, SIK aamma Transparency International Greenland.

Oqaaseqaatit tiguneqartut matuma kinguliani naalisarlugit nalinginnaasumik allannilerlugit issuarneqarput, Naalakkersuisut oqaaseqaataat uingasumik allallugit allanneqarlutik.

Makkua oqaaseqaatissaqarsimanngillat: GreenRoc Strategic Materials Plc, Kalaallit Nunaanni Politiit, Kommuneqarfik Sermersooq, Nunatta Nakorsaaneqarfia, Qeqqata Kommunia, Resource 500 aamma SIK.

Sulisitsisut

Sulisitsisut ataatsimut isigalugu siunnersuummi suliniutissamut akuersaarput.

Taamaattoq aatsitassanut suliassaqarfimmi siunissami allaffissornikkut aqutsinerup ersarinnerunissaa ujartorneqarpoq.

Aatsitassanut suliassaqarfimmi siunissami allaffissornikkut aqutsinerup aalajangersarneqarnissaa siunnersuummi siunertarineqanngilaq. Taamaallaat allanngortitsinissamut periarfissiisoqarpoq.

Aammattaaq akuersissutit akuersissuteqarnerillu pillugit aalajangiinerit naammagittaalliuutigineqarsinnaanerisa peerneqarnerat isumanerluuteqarfigalugu Sulisitsisut oqaatigaat, tassami tamanna suliffissuit inatsisitigut isumannaatsuunerannik ajorseriartitsinertut isigineqarmat. Aalajangiinerit taakkua allaffissornikkut misilinneqarnissaannut periarfissaq siunnersuutigineqarpoq.

Nassuiaatini nalinginnaasuni oqaatigineqartut, aalajangiinerup suliarineqarnerata qaqqeqqinneqarnissaanik Naalakkersuisut qinnuigineqarsinnaasussaapput. Nutaamik suliarinninnissaq inatsimmi aalajangersagaasoq Kalaallit Nunaanni inatsisini atorneqanngilaq, taamaattumillu siunnersuummi allanngortitsisoqanngilaq.

Tamatuma saniatigut Sulisitsisut nalinginnaanerusunut tunngasunik suliniutissanik arlalinnik siunnersuuteqarput.

Naalakkersuisut soorunami siunnersuutit tusaatissatut tiguaat, kisianni qulequttat nalinginnaasut siunnersuummut matumunnga nassuiaatini oqallisigineqartariaqaraluartut isumaqaratik.

Transparency International Greenland

Suliassat ingerlasarnerinik il.il. sunniuteqarluarnerulersitsinissaq pisariaqarsinnaasoq, Transparency International Greenland-ip akuersaarpaa. Kisianni taamaattoq isumaqarluni avatangiisinut aqutsisoqarfiup sulinerata, sunniuteqarluarnerulersitseqqaartariaqaraluarluni, maleruagassiivigineqaaqqinnissaa isumaliutersuutigeqqinneqartariaqaraluartoq.

Tassunga tunngatillugu oqaatigineqassaaq, Aatsitassanik Suliassa qarfinnut Avatangiisinut Aqutsisoqarfiup atorunnaarsinnissaa maannakkut pilersaarutigineqanngimmat.

Transparency International Greenland ingerlaqqilluni allappoq, maannakkut imaluunniit siunissami Naalakkersuisut Siulittaasuata avatangiisinut aqutsisoqarfik atorunnaarsinniarlugu aalajangissappat, tamatuma sunniutissai missingiummi pissusiviusuni isummerfigineqanngitsut, ilanngullugu avatangiisinut aqutsisoqarfiup tamatuma kingorna pinngitsuuisinnaannginnera, taamaattumillu inassutigalugu avatangiisinut aqutsisoqarfiup atorunnaarsinnissaata periarfissaqarnissaa kissaatigineqarpat, tamanna minnerpaamik nalunaarummi pissasoq. Aammalu inatsisissamut siunnersuummi kaajallaasitami avatangiisinut aqutsisoqarfiup atorunnaarsinnissaa pissusiviusuni ajornarunnaarsinneqartoq, Inatsisartunut erseqqissarneqassasoq.

Aatsitassanik Suliassa qarfinnut Avatangiisinut Aqutsisoqarfiup atorunnaarsinneqarsinnaanerata ernumassutigineqarnera siullermik pingaarnertullu naalakkersuinikkut akuliutinnginnissamut tunngaviumut, suliassa qarfinnut tunngatillugu oqartussap suliarinninnera suliassanik suliarinninnernut allanut attuumassuteqanngitsumik

ingerlanneqassasoq aalajangiisuusumut, maleruagassat atuuttut malillugit atuuttumut, tunngassutilittut isigineqarpoq. Ernumassuteqarneq piviusuusutut isigineqarpoq, taamaattumillu siunnersuummi immikkoortoq 2-mi allanngortitsisoqarpoq, tamatuma kingorna aatsitassanut ikummatissanullu inatsimmi § 3 a-mi, pinngortitaq avatangiisillu pillugit apeqqutinik arlaannaannulluunniit attuumassuteqanngitsumik suliarinnittarneq pillugu, aalajangersakkanik ilanngussisoqarluni.

Transparency International Greenland allappoq, ombudsmandip oqaaseqaataa naapertorlugu Aatsitassanik Suliassa qarfinnut Avatangiisinut Aqutsiso qarfiup aamma Aatsitassanut Ikummatissanullu Aqutsiso qarfiup akornanni allaffigeqatigiittarnerni allagaatinik takunninnissaq pisinnaatitaaffigineqartoq, taannalu pisinnaatitaaneq suliassanik suliarinnittarnerup allatut aaqqissuunneqarnerani annaaneqarsinnaasoq ilimanartoq. Aammalu missingiutip allagaatinik takunninnissamut maleruagassanik ersarissunik imaqaarnissaa inassutigalugu.

Oqaatigineqassaaq, ombudsmandip oqaaseqaataa innersuussutigineqartoq inatsisinut atuuttunut takussutissaanngitsoq, tassami Kalaallit Nunaata Eqqartuussivia eqqartuussivimmi suliassamut ingerlasumut atatillugu allaanerusumik nassuiaasimammat. Taamaattoq maannakkorpiaq apeqqut naammagittaalliortarnermut siunnerfigineqanngilaq. Allagaatinik takunninnissamik pisinnaatitaanerup maleruagassiivigineqarnera pillugu apeqqummut tunngatillugu, apeqqut taanna pisortat ingerlatsinerannut inatsimmi maleruagassiivigineqartariaqarpoq.

Transparency International Greenland aammattaaq allappoq, Aatsitassanik Suliassa qarfinnut Avatangiisinut Aqutsiso qarfik atorunnaarsinneqarpat, naammagittaalliuutit qanoq passunneqartarnissaannut maleruagassanik ersarissunik aalajangersaasoqartariaqaraluartoq.

Matuma siuliani oqaatigineqartutut, Aatsitassanik Suliassa qarfinnut Avatangiisinut Aqutsiso qarfiup atorunnaarsinnissaa maannakkut pilersaarutigineqanngilaq. Aatsitassanik Suliassa qarfinnut Avatangiisinut Aqutsiso qarfik atuutsillugu, tassani aalajangiinerit pillugit nalinginnaasumik naammagittaalliornissamut periarfissaq atuuppoq.

Allatut aaqqissuussisoqassappat tamatuma kingorna maleruagassat suut atuutissanersut, ilusiliaq sorleq toqqarneqassanersoq apeqqutaasussaavoq. Taamaalilluni maannakkorpiaq maleruagassanik erseqqinnerusunik aalajangersaasoqarsinnaanngilaq.